

欽定科場條例

禮部謹

奏為

自乾隆二十五年五月臣部議奏士子懷挾分別辦

理摺內聲明科場條例向係十年修纂一次今

屆十年之期惟臣部現在辦理清文則例俟告

竣後再行具奏開館等因在案今清文則例辦

理完竣於上年十二月十八日恭

呈

御覽查臣部所纂科場條例悉載考試事宜每逢會試

頒發知貢舉及主考等官鄉試頒發各直省監  
臨布政使暨典試各員以示遵循所關綦重向  
例每十年增修一次自道光十四年修輯告竣  
後至今已歷十有餘年所有欽奉

諭旨及臣工條奏並

臣

部逐年覈覆各案不下數百餘

件均未經分類修輯難以查閱且舊存板片歷  
屆鄉會試年分刷印較繁其中多有模糊糟朽  
自應亟行修纂庶於考試大典方無貽誤理合  
恭摺奏明在

臣

部司員內揀派提調纂修等官

將十餘年內應增應刪各條逐一校閱分別門類悉心編纂俾鄉會試司事之員易於查考俟纂輯成帙後繕寫進

呈

御覽恭請

欽定至所需供事應仍照上屆之例於

臣部經制書吏

內擇其勤慎者挑選二十名令其供役

臣等仍

督率司員等隨時稽察上緊趕辦勒限完竣其板片工料紙張等項均照成案令該供事等捐

資備辦毋庸開銷公項如果奮勉俟歲事之日

再行奏明辦理臣等未敢擅便伏候

訓示遵行爲此謹

奏請

旨於道光二十九年三月初六日奏本日奉

旨依議欽此

禮部謹

奏為修纂科場條例告成恭

呈

御覽事竊照臣

部職司貢舉所有一切考試事宜均

照科場條例辦理其全書自道光十四年修輯

後已閱十有餘年例案紛繁應行分類修輯以

示遵循經

臣

部於道光二十九年三月初六日

奏准開館當卽揀派提調總纂纂修校對等官

督率供事等將歷年增刪更改各條有關科場

事宜者分門別類悉心修纂共成六十卷繕寫成帙裝潢八函內有修補新增之處卽於各條黏貼黃簽進

呈伏候

欽定至全書告成除臣等及提調總纂纂修校對等官不敢仰邀議叙外所有該供事等二十名在館當差俱係自備資斧尙屬勤奮其一切繕寫裝潢刊刻板片並紙筆飯食等費均由該供事等捐資辦理並不銷公項向例分別等第給

予議叙此次可否仍行

賞給議叙之處出自

皇上

天恩如蒙

俞允臣等督令該提調將該供事等第秉公酌定

造冊咨送吏部照例辦理仍俟刊刻刷印頒發

後再行咨明吏部註冊銓選爲此謹

奏請

旨於咸豐二年五月二十二日奏本日奉



錄批供事等着賞給議叙欽此

禮部謹

奏爲請

旨事查

臣

部修纂科場條例向於完竣後恭繕

黃冊進呈俟

欽定發下後卽行刊刻刷印頒發在京各衙門及各

直省督撫等一體遵照歷經辦理在案此次修

纂科場條例前經

臣

部於道光二十九年二月

初六日奏請纂辦本年修纂完竣共成條例六

十卷繕寫成帙裝潢八函於咸豐二年五月二

金匱要略卷之八  
十二日進

呈恭候

欽定發下

臣

部頒發遵行等因奉

硃批供事等著賞給議敘欽此欽遵亦在案茲屆明

年會試期近科場一切事宜應卽遵照新例辦

理查

臣

部前進

黃冊現蒙

留中擬請先就

臣

部纂成底本刊刻刷印頒發各處

以便一體遵照是否有當伏乞

皇上訓示遵行爲此謹

奏請

旨於咸豐二年十月初九日奏本日奉

旨依議欽此

職名

原任協辦大學士管理禮部事務臣杜受田

禮部尚書管理太常寺鴻臚寺事務正黃旗滿洲都統管理新舊巡理營管理覺羅等處事務榮祿前副都統署理盛京副都統  
臣奕湘

前署禮部尚書刑部尚書臣阿靈阿

原任禮部尚書臣崇奎成剛

原任禮部尚書臣惠豐

禮部尚書臣何汝霖

禮部尚書今任協辦大學士吏部尚書臣賈楨

禮部尚書今任戶部尚書臣孫瑞珍

禮部右侍郎兼管太常寺事務正紅旗滿洲副都統臣聯順

禮部左侍郎提督福建學政臣吳鍾駿

署禮部左侍郎都察院左副都御史臣李 蒞

前署禮部左侍郎兵部左侍郎臣孫葆元

禮部右侍郎兼管太常寺事務正紅旗滿洲副都統臣瑞 麟

禮部右侍郎今任 盛京兵部侍郎臣廣 林

禮部右侍郎提督浙江學政臣萬青藜

署禮部右侍郎內閣學士臣陶 樑

前任禮部右侍郎臣曾國藩

提調官

禮部祠祭司郎中儀制司掌印山海關監督 臣哈當阿

禮部精膳司 員外郎主客司掌印署 臣赫特赫訥

禮部主客司郎中儀制司署掌印 臣聯捷

提督會同四譯館加鴻臚寺少卿銜 臣聯捷

禮部主客司郎中 儀制司掌印湖廣 臣瑞琛

禮部儀制司署 掌印郎中祠祭司掌印 臣承齡

禮部鑄印局員外郎儀制司掌印提督會同 臣張禮翰

總纂兼纂修官

禮部儀制司

幫辦掌印郎中署主事

臣英 滙

禮部儀制司主事兼精膳司

臣延 恒

### 纂修官

禮部祠祭司掌印兼儀制司郎補郎中

臣齡 椿

禮部儀制司郎中司務廳掌印

臣怡 壽

禮部祠祭司郎中任兵部郎中

臣錫 祉

禮部主客司主事兼儀制司

臣方 培之

禮部精膳司主事兼儀制司

臣吳 世驥

禮部祠祭司主事兼儀制司東河學習

臣江 健



禮部候補主事儀制司行走臣周連仲

校對官

禮部精膳司員外郎兼儀制司主客司臣吉麟

禮部堂主事兼儀制司精膳司臣裕貴

禮部候補主事儀制司主客司行走臣顧份

禮部候補主事儀制司行走臣郎應宿

欽定科場條例目錄

第一卷

鄉會試期 附改期

鄉會試加科 附補行正科

宗室人員鄉會試 附覆試 殿試 朝考

第二卷

科舉

宗室人員科舉

科舉定額

第三卷

科舉

生員科舉

貢監科舉

第四卷

科舉

八旗貢監生員筆帖式等科舉

雜項人員科舉

第五卷

科舉

咨送文冊限期

新疆應試馳驛

第六卷

起送會試

直省舉人會試

雜項人員會試

八旗舉人會試

起送文冊限期

給發舉人盤費

遠省會試馳驛

第七卷

鄉試考官

順天鄉試正副考官

直省鄉試正副考官

第八卷

鄉試考官

順天鄉試同考官

直省鄉試同考官

第九卷

會試考官

會試正副考官

會試同考官

第十卷

鄉會試執事官員

順天鄉試執事官員

附人役

第十一卷

金匱要略  
鄉會試執事官員

直省鄉試執事官員

第十二卷

鄉會試執事官員

會試執事官員  
附人役

第十三卷

三場試題

題目成式

欽命題目

第十四卷

三場試題

考官出題

題紙進

呈

第十五卷

鄉會試藝

第十六卷

試卷



硃墨卷款式

官辦試卷

士子投卷

第十七卷

內簾閱卷

同堂校閱

第十八卷

內簾閱卷

各房分卷

中卷撥房

第十九卷

鄉會試中額

各省鄉試定額

附分經定額舊案

第二十卷

鄉會試中額

官卷中額

商籍中額

第二十一卷

鄉會試中額

副榜中額

第二十二卷

鄉會試中額

會試中額

附歷科總額

第二十三卷

鄉會試廣額

第二十四卷

設立官卷限制

第二十五卷

迴避

第二十六卷

關防

貢院

第二十七卷

關防

場規

第二十八卷

關防

考官士子關防

第二十九卷

關防

入闈點名

搜檢士子

第三十卷

關防

搜查供應鋪陳

附搜查人役

第三十一卷

關防

隨帶官員僕從

巡緝員役

搜檢捕役

第三十二卷

關防

內外簾筆色

第三十三卷

禁令

嚴禁賣緣諸弊

第三十四卷

禁令

不准臨場條奏

禁止刊賣刪經時務策

附載停止改經舊案

第三十五卷

冒籍

第三十六卷

坐號

編列坐號

號軍

第三十七卷

外簾所官

受卷所

第三十八卷

外簾所官

彌封所



第三十九卷

外簾所官

膳錄所

第四十卷

外簾所官

對讀所

第四十一卷

收掌所官

第四十二卷

違式

敬避

廟諱

御名

至聖諱

擧寫格式

雜項違式

第四十三卷

鄉會試供具

頒發條例

閣中書籍

供給

附給發科被舊案

第四十四卷

揭曉

揭曉定限

鈐榜大臣官員

拆號填榜

進

呈題名錄

第四十五卷

筵宴

鄉試宴賞

附重赴鹿鳴宴

會試宴賞

附重赴

恩榮宴

護宴官兵

第四十六卷

闈墨

京闈前十卷進

呈

刊刻元魁卷

發領落卷

第四十七卷

試錄登科錄

第四十八卷

解卷

解卷限期

解送親供

覆試

第四十九卷

磨勘

磨勘事宜

第五十卷

磨勘

磨勘處分<sub>上</sub>

第五十一卷

磨勘

磨勘處分

下

第五十二卷

選取謄錄

附選取中書學正學錄挑取教習舊案

舉人大桃

第五十三卷

年老舉人給銜

附歷年鄉會試賜職銜舉人副榜各案

欽

特旨賞給舉人並

恩准一體會試

殿試

第五十四卷

會試下第舉人

下第舉人回籍

第五十五卷

殿試

題派事宜

殿試讀卷

第五十六卷

殿試



傳臚謝

恩

察看標識

第五十七卷

朝考

題名附進士留京教習舊案

第五十八卷

繙繹

繙繹童試

駐防繙譯童試

第五十九卷

繙譯

繙譯鄉會試<sub>上</sub>

第六十卷

繙譯

繙譯鄉會試<sub>下</sub>

駐防繙譯鄉會試

欽定科場條例卷一

鄉會試期 附改期

現行事例

凡鄉試以子午卯酉年八月會試以辰戌丑未  
年三月初九日爲第一場。十二日爲第二場。十  
五日爲第三場。每場皆先一日點入。次一日放  
出。

例案

順治二年定。子午卯酉年鄉試。辰戌丑未年會

試鄉試以八月會試以二月後改三月詳見下條均初九日爲第一場十二日爲第二場十五日爲第三場先一日點入次日放出。

乾隆十年奉

上諭三載賓興國家舉賢右文之大典必諸弊悉去然後可以拔真才所謂稂莠不剪則嘉禾不生其理顯然。歷來查弊之法不得不嚴者此正慎重科名厚待良士之道。昨歲朕親臨貢院。徧觀堂所。周覽號舍。矮屋風簷。備極辛苦。深可軫念。比賦四詩。命刻堂壁。可

以知朕心矣。今歲會試已展限三月以待春溫。嗣後卽以爲例。欽此。

嘉慶六年奉

上諭京師自本月初旬以來雨水連綿貢院牆垣號舍多有坍塌滲漏之處現在考試期近已飭令趕緊動工修葺惟氣候蒸濕恐難如期修竣若草率從事必致內外關防不密不足以昭嚴肅且近畿一帶道路泥濘士子等來京應試跋涉維艱儻中途稍有阻隔致誤考期轉無以遂觀光之志所有本年順天鄉試

或展期至八月下旬九月初旬著軍機大臣會同禮部妥議具奏以副朕體恤寒賤至意等因欽此遵

旨議准。今歲八月鄉試改期於九月初八日舉行。

道光元年奉

上諭本年八月天氣尙覺暑熱京城內外兼有時疫流行。因念貢院中號舍湫隘士子等萃處鬱蒸恐致傳染疾癘。非所以示體卹。今科順天鄉試著展限一月於九月舉行。該衙門卽行曉諭俾衆咸知。欽此。

道光十一年奉

上諭陶樹等奏江南貢院積水請展限辦理鄉試一摺  
江南省於五六月間連次大雨山水漲發江潮流入  
江寧省城據該督等奏稱現在貢院內積水甚深本  
年八月鄉試勢難依期辦理著照所請所有江南文  
闈鄉試准其展限至九月初八日舉行其武闈鄉試  
著展至來年三月舉行該部知道欽此

道光二十九年奉

上諭陸建瀛傳繩勛奏江南貢院積水請展限辦理鄉  
試一摺江南省本年春夏之間雨多晴少閏四月內

連日大雨。山水下注。江湖湧灌入城。據該督等奏稱。現在貢院內積水甚深。無從宣洩。本年八月鄉試。勢難依期辦理。著照所請。所有江南文闈鄉試。准其展限至九月初八日舉行。其武闈鄉試。著展至明年三月舉行。該部知道。欽此。

又奉

上諭。陸建瀛傳繩勛奏。鄉試請再展期一摺。本年江南鄉試。因貢院積水。准其展至九月辦理。茲據奏稱。該處積水。現退二尺有餘。尚未全消。號舍牆垣傾頽。一



時難以修整著准其再展至十月初八日舉行至江南正副考官現已簡放著福濟杜翻查照現展日期俟一月後起程該部知道欽此

咸豐元年奉

上諭前據鄒鳴鶴奏請將廣西鄉試展期舉行當經降旨令該撫察看情形於八月初奏到茲據鄒鳴鶴孫鏘鳴奏稱該省士子現多派令董理團練保衛鄉里該省文武各官因軍務未竣各有應辦要務礙難於本年十月舉行鄉試自係實在情形廣

西自軍興以來各屬士子等均能敵愾同仇隨同  
地方文武各員勦賊立功自應俯順羣情曲加體  
卹所有廣西省本年辛亥恩科文武鄉試著准其  
展至來年與壬子正科一併舉行倍額取中仍遵  
照恩詔條款准予廣額至所請癸丑科會試恩加  
中額之處著禮部屆期奏明請旨欽此。

附載舊例

順治元年

恩詔各直省以二年秋八月舉行鄉試嗣奏准江南陝

西二省以十月舉行。

順治十七年奏准雲南貢院未修學臣未到後

子科鄉試於十八年補行。  
康熙二十年奏准貴州本年鄉試於壬戌年補

行。  
雍正四年奉

上諭。明年乃會試之期。春季適有閏月。二月節候。天氣尚冷。凡應試舉子。途次遠來。及闈中考試。誠恐寒苦。著將明年二月入場之期。改至三月。令該部即行文各省。諭令知悉。若近京各省舉子。俟明春起送。亦覺甚便。嗣後會試之年。遇有閏月。該部先期奏聞。欽此。  
乾隆九年奏准。順天鄉試。搜檢逾期。請改試期。於後一日。

又奉

上諭。明年二月會試。天氣尚未和暖。搜檢時不無寒冷。且各省俱須覆試。士子到京。未免稍遲。著改期於三月。該部即預行曉諭。通知。欽此。

又奉

上諭。前經降旨。今歲恭逢

聖母皇太后萬壽。於壬申年特開恩科。其直省鄉試。恐

二月天寒是以照會試例於三月舉行。但思三月鄉試必至四月初旬揭曉。雲貴川廣等省去會試之期稍爲匆迫。外省鄉試俱著於二月舉行。京城二月天氣尚寒。順天鄉試仍於三月。該部知道。欽此。

鄉會試加科

附補行正科

現行事例

凡鄉會試加科俱由

特旨。其試期或仍於八月鄉試。次年三月會試。或改以三月鄉試。八月會試。均臨時酌定。不拘成例。有與正科同歲者。或移正科於前。或移正科於後。亦不拘成例。

例案

順治三年奏准。本年八月再行鄉試。來年三月

再行會試。謹按順治一年乙酉鄉試三年二月

會試雖列於

登極

恩

詔然康熙五十一年

萬壽廷議引順治

丙戌鄉試丁亥會試爲

恩科之例則乙

酉丙戌爲正科此

二年爲加科審矣。

順治十六年奉

上諭雲貴新附地方綏輯需人現在候選官員尙未足

用應預爲徵取以備任使著於今科再行會試欽此

康熙五十一年題准

萬壽聖節特開鄉會

恩科照順治丙戌丁亥科例於二月舉行鄉試八月舉

行會試。

雍正元年議准。本年

恩旨開科。四月鄉試。九月會試。應請將癸卯正科鄉試。改於雍正二年甲辰二月舉行。甲辰正科會試。改於甲辰八月舉行。

雍正十三年奉

上諭。國家大典。首重掄才。我朝培養多年。人才日盛。是以

皇考御極之初。於三年大比之外。特開鄉會恩科。廣錄

俊父所以鼓舞而振興之者。至爲周備。今朕續承統緒。照雍正元年特開恩科之例。舉行茲典。乾隆元年。係丙辰會試正科。著於八月舉行鄉試。乾隆二年二月。舉行會試。以副朕興賢育才之至意。欽此。

乾隆三十五年奉

上諭。國家茂膺多福。瑞祉駢臻。思與海內同茲嘉慶。粵在壬申辛巳兩遇。

慶典再開。

萬壽恩科。今歲爲朕六十誕辰。明年恭逢



皇太后八旬萬壽仰惟

慈禧光被歡洽敷天允宜申錫無疆冀征叶吉用彰行慶作人之盛著於本年八月舉行恩科鄉試來歲三月舉行會試俾多士抃舞觀光副朕錫類延釐至意該部卽遵諭行欽此

乾隆四十三年奉

上諭大學士管兩江總督高晉浙閩總督楊景素等合詞陳奏以江浙臣民望幸甚殷且河工海塘皆冀親臨指示懇請於庚子春再舉南巡盛典以愜輿情一

摺著照所請於乾隆四十五年正月諏吉啟鑾巡幸江浙便道親閱河工海塘所有各處行宮坐落但就舊有規模畧加葺治毋得踵事增華致滋繁費至該督等以庚子年適逢朕七旬萬壽欲就近舉行慶典則斷不可朕本意以庚子年爲朕七旬慶辰越歲辛丑卽恭逢

聖母九旬萬壽斯則敷天同慶自當盧歡祝

嘏以抒萬姓惻忱今旣不能遂朕初願尙復何心爲已稱慶况朕蹕途所經老幼歡迎扶攜恐後未嘗不顧

而樂之若經棚戲臺。侈陳燈綵。點綴紛華。飾爲衢歌巷舞。深所不取。且非所以深體朕意也。不特江浙臣民不當爲祝釐之舉。卽凡內外大小臣工。於朕七旬萬壽。亦均不得請行慶典。以及進貢獻詩。若伊等謂欲藉以申其尊敬之誠。是轉增朕之不悅。尙得謂之忠愛乎。但天下士民。遇朕七旬。皆不免望恩倖澤。此則情理之常。朕亦何肯因不舉行慶典。並靳恩施乎。著於己亥年八月。舉行恩科鄉試。庚子年舉行恩科會試。以彰壽考作人之盛。其開科事宜。著交禮部查

例辦理。將此通諭中外知之。欽此。

乾隆五十二年奉

上諭。前據王公大臣及直省督撫大吏等。以乾隆五十五年朕八旬慶節。請舉行萬壽慶典。朕以內外臣工等。臚歡祝嘏。出自積誠。是以降旨允行。朕臨御五十餘年。壽躋上考。五世一堂。篤慶錫光。歡騰率土。宜沛特恩。用光鉅典。除恩詔條款。屆期頒發外。所有下屆鄉會試正科。著於五十三年八月。五十四年三月。預先舉行。五十四年秋。舉行恩科鄉試。五十五年春。舉

行恩科會試以示朕樂育敷恩壽世作人至意欽此。

乾隆五十八年奉

上諭朕仰蒙

昊蒼眷佑續

緒疑庶臨御以來海宇敘寧遐方向化庸功熙績幸躋  
十全踐阼年滿六十實二十五卽位之人君所難得  
也前曾降旨於六十一年歸政允宜愷澤覃施與海  
內臣民歛時敷錫而嘉惠士林之典尤應預爲舉行  
著於乾隆五十九年秋特開鄉試恩科六十年春爲

會試恩科至六十年秋。卽爲嗣皇帝恩科鄉試。丙辰春間。卽爲嗣皇帝元年恩科會試。所有應行事宜。著該部照例預備。其各直省舉人大挑。著於六十年會試後。該部奏請辦理。但此時雖距歸政之期不遠。朕惟有日益孜孜。不敢少存盈滿。以期與天下蒼生共  
迓

天眷之福。將此通諭知之。欽此。

嘉慶三年奉

勅旨。皇帝以庚申年爲朕九旬萬萬壽。率領王貝勒大

臣及將軍督撫等。籲請舉行慶典。恭祝蕃釐。寬奏具見孝思誠悃。朕仰膺

昊眷。撫御埏紘。篤祐凝禧。躬躋上壽。一堂五世。慶衍雲祚。前於丙辰元旦。肇舉授受鴻儀。三載以來。孜孜訓政。勿敢稍自暇逸。豐登屢告。陽雨應時。此皆仰荷上天錫祐。

列祖垂庥。景運昂期。洵爲史牒所罕觀。敬感之餘。彌深乾惕。何敢踵事增華。稍存滿假。況川省教匪。雖將次平定。而餘氛現尙未淨。宵旰方切焦勞。豈肯侈陳隆

軌。惟念皇帝合萬國之歡心。以天下爲孝養。臚辭籲請。至再至三。若卻而勿受。轉似矯情。非所以仰承

鴻貺。且無以申皇帝誠孝之心。恆臣民祝嘏之願。不得已姑允所請。於庚申年舉行慶典。一切儀文。俱照康熙六十年及乾隆五十五年。朕八旬萬壽典例辦理。毋得稍有加增。致滋華靡。此次慶節。率土騰歡。宜沛殊恩。用光鉅典。所有應行加恩各事宜。俟查明頒發詔旨。恩諭外。至文武鄉會試。尤爲作人盛典。著於己未年舉行恩科。文武鄉試。庚申年舉行恩科。文武會



試以示衍慶推恩至意將此通諭知之欽此。

嘉慶四年奉

上諭

皇考龍馭上賓。普天哀痛。所有己未庚申文武鄉會試恩科著停止舉行。欽此。

又奉

上諭上年額請恭辦

皇考九旬慶典欽奉

勅旨特開鄉會恩科。本年正月內猝遭

皇考大事。朕當哀痛迫切之時。曾降旨因慶典既不能舉行。並將恩科停止。茲過百日後。復思開科一事。乃皇考嘉惠士林至意。今朕不獲祝嘏承歡。以天下養。愜率土臣民之願。而惟此作人盛典。爲

皇考已沛之恩。自應仰體

聖慈。毋庸停止。俾天下士子。仍得普沾

遺澤。倍深感慕。所有恩科文武鄉試。著於庚申年舉行。其文武會試。著於辛酉年舉行。欽此。

嘉慶十三年奉

上諭來歲爲朕五旬誕辰。仰賴

昊慈眷佑。寰宇謐寧。嘉興海內臣民。同臻仁壽。所有應行施恩各條。俟來歲再行頒詔。而開科取士。應預先辦理。著於本年八月舉行恩科鄉試。來年三月舉行恩科會試。俾多士抃舞觀光。用副朕行慶作人。洪敷教澤之意。該部卽遵諭行。欽此。

嘉慶二十三年奉

上諭。朕五旬誕辰時。曾經普施恩澤。嘉惠臣民。嗣是十載以來。仰荷

天

祖眷佑篤祐延釐。中間蕩除邪慝。修明政事。益勵敬勤。比歲時和年豐。九寓乂安。兆民樂業。朕日理萬幾。精神較前倍加充健。來歲爲朕六旬正誕。更當渥沛恩膏。用昭敷錫。所有應行加恩事宜。俟來歲再行頒詔。惟開科取士。應令先期辦理。著於本年八月。舉行恩科鄉試。明年三月。舉行恩科會試。俾多士踴躍觀光。用副朕壽考作人興賢育材至意。該部卽遵諭行。欽此。

嘉慶二十五年奉

上諭國家立政首重人材我朝

列祖御極之初均於三年大比之外特開鄉會恩科廣  
羅俊乂今朕繼承大統宜遵成式加惠士林著於道  
光元年舉行鄉試恩科二年舉行會試恩科用副朕  
興賢育才至意欽此

道光十一年奉

上諭本年爲朕五旬萬壽慶辰仰荷

上蒼福佑寰寓乂安嘉與海內臣民同登仁壽敬稽

皇考仁宗睿皇帝五旬萬壽特開鄉會試恩科朕寅紹丕基當此嘉祉頻臻宜錫鴻恩用昭盛典著於本年八月舉行恩科鄉試來歲三月舉行恩科會試所有應行本年正科鄉試來歲正科會試著移於道光十二年八月十三年三月舉行俾多士忭舞觀光用副朕行慶作人渥敷教澤至意該部卽遵諭行欽此

道光十五年奉

上諭今歲恭逢

聖母皇太后六旬萬壽仰惟

慈禧光被。歡洽敷天。允宜申錫。無疆彙征。叶吉。用彰作  
人雅化。著於本年八月。舉行恩科鄉試。來歲三月。舉行  
恩科會試。俾茲多士。忭舞觀光。副朕錫類延釐至意。  
該部卽遵諭行。欽此。

道光十八年奉

上諭。朕臨御以來。寰宇乂安。中外禔福。道光十一年。朕  
五旬萬壽慶辰。曾降旨特開鄉會試恩科。瞬屆二十  
一年六旬萬壽。仰荷

昊蒼眷佑。

聖母皇太后慈福覃敷。薄海臣民。日躋仁壽。尤宜重開  
慶榜。嘉惠藝林。除恩詔條款。屆期頒發中外。所有下  
屆鄉會試正科。著於十九年八月。二十年三月。預先  
舉行。二十年秋。舉行恩科鄉試。二十一年春。舉行恩  
科會試。用示朕宏敷教澤。行慶作人至意。該部卽遵  
諭行。欽此。

道光二十四年奉

上諭。明歲恭逢

聖母皇太后七旬萬壽。仰維



懿德覆幬寰區秩晉古稀歡臚率土除應行

慶典屆期舉行外著於本年八月舉行甲辰恩科鄉試  
明年三月舉行乙巳恩科會試俾茲多士忭舞觀光  
用副朕錫類延

釐嘉惠藝林之至意該部卽遵諭行欽此

道光三十年奉

上諭爲政以得人爲首務我朝

列聖御極建元均於三年大比之外特開鄉會恩科廣  
羅俊彥今朕續承大統宜遵成式嘉惠士林著於

咸豐元年舉行鄉試恩科二年舉行會試恩科用副朕作育賢才至意該部知道欽此

附載浙江停止鄉會試舊案

雍正四年奉

上諭讀書所以明理講求天經地義知有君父之尊然後見諸行事足以厚俗維風以備國家之用非僅欲求其工於文字也浙江文詞甲於天下而風俗澆漓敝壞已極如查嗣庭汪景祺自矜其私智小慧傲睨一切輕薄天下之人遂至喪心悖義謗訕君上一以聖祖仁皇帝六十餘年聖德神功深仁厚澤普天率土泱醴淪肌自居心以至用人行政至公至正事事周詳盡善實自古帝王中所罕見者而查嗣庭汪景祺乃敢肆行謗議則凡爲人君者更何道以免悖逆之譏刺乎設使議論及於朕躬其情罪尙猶可恕今觀查嗣庭日記於雍正年間之事無甚詆毀且有感恩

聖

戴德之語。而極意撻訕者。皆

祖仁皇帝已行之事也。本極盡善。無可擬議。而妄肆悖逆猖狂之言。誰無君父。能不痛心。能不切齒。昔孔子作春秋。歷代因之。各有史冊。以垂法戒。今若容悖逆之人。顛倒是非。私行記載。則史冊皆不足憑矣。豈非千古罪人乎。浙江風氣惡薄如此。查嗣庭汪景祺而外。自尚有與同類者。若加窮究。則不可勝誅。備聽其風俗頹敝。不加整飭。何以成一道同風之治。朕思開科取士。原欲得人任用。豈以其文章詞藻之工。可以有益於民生吏治。今浙江風氣如此。揆其筆墨之微長。遂忘綱常之大義。則開科取士。又復何用。且巡撫李衛等。從查嗣庭家中搜出。科場懷挾細字。密寫文章數百篇。似此無恥不法之事。查氏子弟如此。必係浙人。習以爲常。不但藐視國憲。亦且玷辱科名。應將浙人鄉會試停止。至於生員歲考。仍舊舉行。百姓皆吾赤子。地方如有水旱之事。朕仍加恩賑恤。鄉會試既停。且使浙人中師生同年。彼此請托營求。紛紜膠擾之習。爲之肅清。將來人心共知改悔。風俗趨於

淳樸。朕確有見聞。再降諭旨。朕因人心風俗關係重大。不得不嚴加整理。以爲久安長治之計。朕意如此。著內閣九卿翰林詹事科道會同定議具奏。遵旨議准。浙江鄉會試俱行停止。現今會試舉人有起文

赴部者。令各回原籍。未起文者。不許給文。其浙江貢監生。由順天鄉試者。一體停止。

雍正六年奉

上諭。據浙江學政王蘭生摺奏。生員以立品爲先。奉公爲上。若有潛通胥役。欺隱錢糧。包攬抗欠者。一經查出。卽行黜革重處。又於按考所至。嚴加曉諭。並令地方官開報。使其完糧。然後收考。若能久而成風。人人以急公爲榮。以欠糧爲恥。則士習民風。愈覺淳厚等語。天下之人。不外乎士與民。天下之俗。不外乎士習民風。士民雖分而爲二。而其實則一也。有司有治民之責。學政有課士之任。雖各有專司。而其實則相爲表裏也。嘗見有司但以爲職在臨民。而置學校於不問。而學政則以爲統屬士子。若不優容庇護。無以博其稱揚。而曲爲徇隱。百計包荒。遇有生員違抗錢糧

者又以為催科乃地方官之事。與官學無涉。以致士子無所忌憚。此等陋識。實庸劣學臣之所同也。不知士子乃百姓之坊表。士習不端。民風何由而厚。况倚仗青衿。抗延國課。則士品頹壞已極。其害實在世道人心。不僅關係錢糧之逋欠而已。王蘭生令地方官開報欠糧之生員。必係完納。方准收考。俾人人以急公為榮。以欠糧為恥。此實鼓勵化導之善政。而各省學政。從未有如此舉行者。未必皆見不及此。大抵墮徇苟且之習未除耳。王蘭生著交部議敘。向來浙省士習澆薄。中外所知。朕為世道人心計。不得不嚴加整理。今二年以來。李衛王國棟王蘭生先後奏稱兩浙士子感朕訓誨之恩。省愆悔過。將舊日驕凌奔競之習。痛自改除。可稱士風丕變。前年朕原降旨。浙人秉性聰慧。既知讀書。必明大義。非是強悍執滯之難於感化者。一經指示。則醒悟亦必最捷。不出二三載。可以望其自新。今果然矣。明年即屆鄉試之期。浙省士子。准其照舊鄉會考試。以示朕訓俗勵民。樂聞遷善之至意。欽此。

宗室人員鄉會試

附覆試

殿試

朝考

現行事例

一宗室鄉會試。俱在貢院於各士子鄉會試三場完畢後。十七日點進。當日完場。

一宗室鄉會試點名。由宗人府派章京數員。在磚門識認。龍門外由御史點名。

一宗室鄉會試。卽交鄉會試主考總裁閱卷。由宗人府於左右宗人內。先期奏請

欽派一員入場彈壓。

一宗室鄉會試用四書文一篇排律詩一首會  
試由禮部於三月初八日鄉試由順天府尹於  
八月初八日與

欽命考試士子題目一同祇領送至貢院交知貢舉

監臨送入內簾於十七日早由內簾交出按號

散給

按嘉慶十二年禮部議准本年丁卯科宗  
宗文鄉試領題日期恭遇

聖駕行

團應仍由順天府先期奏明屆期  
由留京辦事王大臣處照例請領

一宗室試卷鄉試由順天府會試由禮部備卷

鈐印交監試御史鈐用坐號交卷後送外簾彌

封不必騰錄送主考總裁閱看鄉試由順天府

將試卷數目開單進

呈

欽定中額

會試中額嘉慶七年由總裁酌取兩三卷進呈臨時

准請照嘉慶五年原議由禮部覈明實任人數並開列上三科比較清單恭請

欽定後由主考總裁擬定中式名次將試卷封固進

呈

欽定名次後再由監臨知貢舉拆名揭榜送至宗人

府衙門前張掛試卷交禮部收存中式人員應



得旗匾銀兩及表裏緞正照舉人進士之例給予。

一宗室

殿試

朝考與八旗各省新進士同日應試。坐次及引見排班均列在新進士之前。

一宗室祖孫父子同胞叔姪兄弟俱應迴避。

一宗室鄉會試中式者傳集在

圓明圓正大光明殿覆試。屆時禮部奏明另定試

期。

一宗室鄉會試覆試試卷進

呈後交禮部暫存與新科貢士舉人覆試卷一併磨勘。

一宗室鄉會試中式舉人進士覆試時禮部均將中式原卷送軍機處交閱卷大臣磨對。

例案

嘉慶四年奉

上諭宗室向有會試之例後經停止敬惟

皇考聖意。原因宗室當嫻習騎射。以存滿洲舊俗。恐其專攻文藝。沾染漢人習氣。轉致弓馬生疎。然自停止考試以後。騎射亦未能精熟。天潢支派繁衍。自當仍准考試。廣其登進之路。兼可使讀書變化氣質。不致無所執業。別生事端。且應試之前。例應閱射馬步箭。方准入場。於騎射原不致偏廢。舊制宗室均不由鄉舉。派赴會試。未免過優。嗣後宗室應考者。辛酉科爲始。開生監一體鄉試。應定中額。著禮部覈議奏聞。候朕諭定。欽此。

嘉慶五年奉

上諭上年推恩宗室。准令應試。原定以辛酉年正科爲始。本年舉行恩科。因給事中慶岱奏試期較近。恐宗室等於舉業一時未能嫻習。請暫停本年鄉試。當經降旨允准。仍以辛酉科鄉試爲始。但思宗室應試。若與士子等一同入闈。於體制究有未協。查乾隆年間曾兩次舉行是典。自有舊規可循。現當久經停止之後。其應如何酌定章程。及一切事宜。著軍機大臣會同宗人府禮部詳查妥議具奏。欽此。經軍機大臣會

同宗人府禮部遵

旨議准宗室考試本在

國史館此時該館房所無多且不甚嚴密茲奉

旨考試自應在貢院局試以昭慎重其點名入場由宗  
人府派出章京數員在磚門識認至龍門外由  
御史點名散卷歸號

又議准宗室考試印卷照鄉會試之例由順天  
府禮部備卷鈐印送入貢院交監試御史鈐用  
坐號散給至交卷後送外簾彌封不必騰錄送

內簾主考總裁擬定中式名次封固交出至公堂鄉試派順天府官一員會試禮部司員一員同宗人府章京一員捧至

乾清門交奏事處進

呈

欽定名次後鄉試由監臨會試由知貢舉拆名揭榜屆時由宗人府派員至貢院門外接榜送至宗人府衙門前張掛將試卷交順天府禮部收存備查

鄉會試卷今均改交禮部收存

所有中式人員應得旗匾銀

兩及表裏綴正。應照舉人進士例給予。

又議准取中額數。鄉試應由順天府將試卷數

目開單進

呈。

欽定中額。其會試中額。初次人數無多。應令總裁擇其

文理優長者。封卷進

呈恭候

欽取。至數科後。會試宗室人數增多。仍由禮部覈明試

卷數目。再行請

旨定額。

又議准。

殿試

朝考奉

旨與新進士一體應試。應請同日入考。坐次及引見排班。均請列在新進士之前。

又議准。宗室祖孫父子。及同胞叔姪兄弟。應行迴避外。其餘概毋庸迴避。

嘉慶六年。順天府奏宗室鄉試查明入場數目。



請定中額一摺奉

上諭汪承需等奏宗室鄉試人數共六十三名請定中額一摺宗室等讀書赴試志切觀光本年係開科伊始著加恩按照人數每九名取中一名共中式七名於舉子頭二場開門之日填榜揭曉欽此。

嘉慶七年宗室會試中額二月十一日禮部尙書紀昀遵奉

諭旨總裁官酌取兩三卷進

呈臨時

欽定

又議准宗室試卷遵

旨由考官提取二三本進

呈恭候

欽定今歲三月初八日恭值

聖駕啟鑾所有宗室試卷應請於內閣發報之期由考官封固隨摺發出交禮部司官同宗人府章京送閣轉遞

行在由禮部堂官進

呈候發還日。仍派員至內閣祇領。送知貢舉拆名填榜。交宗人府張掛。

又據知貢舉瑚圖靈阿劉鏗之奏稱。本月十三日奉到。

欽定取中宗室試卷三名。卽於是日在至公堂拆名填榜。交宗人府派出司員接送。至宗人府衙門前張掛。並將中式試卷交禮部收存。所有取中名次。謹繕清單。恭呈。

御覽等因奉

旨知道了欽此

嘉慶九年奉

上諭據監試署給事中皂麟等奏號舍實數止九千一百餘間。本年科舉共九千二百餘名。又因三場併試。繙譯四百餘名。不敷坐用。因將彈壓等處。席棚編列坐號。防範難周。懇請將繙譯鄉試更定日期等語。本年繙譯士子。於文鄉試第三場併試。係屬新例。初次舉行。欲事歸簡易。轉致人數過多。坐號不敷。自應另爲改期。因思考試宗室在文闈頭場。與各士子一體

通志卷之八 三  
局試亦未周妥。且祇一文一詩。竟日即可交卷。嗣後  
宗室鄉會試。著改於各士子鄉會試三場完畢後。十  
七日點進。當日完場。其繙譯鄉會試。著於十八日進  
場考試。來年會試。卽照此辦理。欽此。

又奏准。嗣後宗室文場。由宗人府於左右宗人  
內。先期奏請。

欽派宗人一員。是日入闈。彈壓以崇體制。

嘉慶十二年禮部議准。本年丁卯科。宗室文鄉  
試領題日期。恭遇。

聖駕行圍應仍由順天府先期奏明屆期由留京辦事  
王大臣處照例請領

又順天府奏稱本年八月丁卯科文場鄉試恭  
逢

聖駕駐蹕熱河所有宗室人員擬取試卷及八旗各省  
士子擬定前十名硃墨卷應否均免其進

呈卽令考官酌定填寫入榜之處恭摺具

奏請

旨奉

旨此次宗室鄉試擬取卷及順天鄉試各士子擬定前十名硃卷均著毋庸進呈欽此

嘉慶十三年軍機大臣面奉

諭旨嗣後鄉會試期所有欽命考試士子題目欽命考試宗室題目著禮部堂官於三月初八日順天府尹於八月初八日一同祇領交知貢舉監臨轉送內簾毋庸分兩次諸領欽此

嘉慶十九年奉

上諭宗室鄉會試取中用一文一詩已屬優異若不加

以覆試。無以鑒別真才。著自本科爲始。宗室會試中式者。傳集在圓明園正大光明殿覆試。屆時禮部奏明。另定試期。毋庸與本科中式貢士同日。其試題仍用一文一詩。著管理宗人府之王公等。先期傳示。應試各宗室舉子。俾共聞知。欽此。

又大學士董誥等奏稱。此次宗室試卷。謹循照向例。開寫名單。進

呈後。交禮部暫存。俟

派出磨勘大臣。與新科貢士覆試卷。一併核辦等因。奉



旨知道了。欽此。

道光二年。禮部奏准宗室會試中額。初次人數無多。應令總裁擇其文理優長者。封卷進

呈。恭候

欽取至數科後。宗室會試人數增多。仍由禮部覈明試卷數目。再行奏請中額。係嘉慶五年議准在案。今查近科以來。宗室會試已有三十餘人。應請照嘉慶五年原議。於三月十七日。宗室士子文場完畢。由禮部覈明實在人數。並開列比較清

單恭請

欽定中額。移交內簾。遵照取中。仍將試卷進呈。再行出榜。

道光十五年。本部具奏。奉

旨。本年順天鄉試取中舉人。著於本月二十一日。在圓明園正大光明殿覆試等因。欽此。查歷科會試。宗室中式貢士。均於揭曉後奏請覆試。此次順天鄉試中式舉人。奉

旨覆試。所有本年宗室中式舉人。應否一體覆試等因。

奉

旨本年鄉試宗室中式舉人著於本月二十一日一體覆試欽此。

道光十七年奉

旨本年鄉試宗室中式舉人著於本月二十六日在圓明園正大光明殿覆試欽此。

又本部具奏道光十五年乙未科順天鄉試中式舉人並宗室中式舉人覆試奉

旨仿照會試覆試例趕辦此次宗室中式舉人覆試其

一切事宜自應查照成案辦理臣部當卽行文宗人府傳令該舉人等取具圖結赴部投遞以憑備卷覆試所有監試王大臣閱卷大臣係奉特旨簡派不由臣部開列覆試題目恭請

欽命四書題一道詩題一道於是日發交監試王大臣傳示各舉人其試卷由閱卷大臣分擬等第彙封進

呈應用矮桌等項照例行文各衙門預備等因奉旨依議欽此。

又奉

旨宗人府筆帖式繙譯舉人宗室淳祿著准其開缺一體會試欽此。

道光十八年本部片奏上三科宗室會試中式貢士均於揭曉後在

正大光明殿覆試本年宗室會試於三月二十三  
日揭曉恭遇

皇上駐蹕南苑此次宗室貢士覆試日期恭請

欽定於

回鑾後舉行等因奉

旨。此次宗室會試中式貢士著於四月初二日在圓明園正大光明殿覆試。欽此。

道光二十三年軍機大臣面奉

諭旨。嗣後宗室鄉會試中式舉人進士覆試時著禮部均將中式原卷送軍機處交閱卷大臣磨對。欽此。

道光二十四年片覆宗人府。准宗人府文稱。本年文會試宗室人員內有更名之處。係宗室人員。重名太多。現經本府恭查

玉牒內有名字相同者。卽將爵職較小。及輩分年歲卑幼之人更改。飭令該宗室等遵照。並非該宗室等自行呈請等因。查宗室文舉人春章等六名。係宗人府恭查。

玉牒內有名字相同者。飭令更改。核與自行呈請更名者有間。應均准其註冊。以更名應本年會試。嗣後凡有名字與

玉牒相同。飭令更名者。應隨時知照本部。以便註冊。免致兩歧。至鄉會試之年。仍不准自行呈請更名。

又本部具奏甲辰科宗室文會試新中貢士覆  
試恭請

欽定日期奉

旨此次宗室會試新中貢士著於本月二十四日在圓  
明園正大光明殿覆試欽此

道光二十九年本部具奏本年鄉試中式宗室  
舉人覆試經閱卷大臣夾片奏明查對中式原  
卷筆跡均屬相符惟第二名載萼草稿不全字  
蹟惡劣應交禮部核議查宗室舉人載萼試卷



草稿不全字蹟惡劣應照例罰停會試一科受  
卷官應貼不貼罰俸一年等因奉

旨依議欽此。

嘉慶六年辛酉科鄉試取中七名

嘉慶七年壬戌科會試取中三名

嘉慶九年甲子科鄉試取中八名

嘉慶十年乙丑科會試取中二名

嘉慶十二年丁卯科鄉試取中八名

嘉慶十三年戊辰科會試取中四名

嘉慶十三年戊辰

恩科鄉試取中七名。

嘉慶十四年己巳

恩科會試取中三名。

嘉慶十五年庚午科鄉試取中八名

嘉慶十六年辛未科會試取中三名。

嘉慶十八年癸酉科鄉試取中八名。

嘉慶十九年甲戌科會試取中三名。

嘉慶二十一年丙子科鄉試取中八名。

嘉慶二十二年丁丑科會試取中三名

嘉慶二十三年戊寅

恩科鄉試取中八名

嘉慶二十四年己卯

恩科會試取中四名

嘉慶二十四年己卯科鄉試取中八名

嘉慶二十五年庚辰科會試取中四名

道光元年辛巳

恩科鄉試取中八名

道光二年壬午

原科會試取中四名

道光二年壬午科鄉試取中八名

道光三年癸未科會試取中四名

道光五年乙酉科鄉試取中九名

道光六年丙戌科會試取中四名

道光八年戊子科鄉試取中八名

道光九年己丑科會試取中四名

道光十一年辛卯

恩科鄉試取中八名

道光十二年壬辰

恩科會試取中三名

道光十二年壬辰科鄉試取中七名

道光十三年癸巳科會試取中三名

道光十四年甲午科鄉試取中六名

道光十五年乙未科會試取中三名

道光十五年乙未

恩科鄉試取中七名

道光十六年丙申

恩科會試取中二名。

道光十七年丁酉科鄉試取中五名

道光十八年戊戌科會試取中二名

道光十九年己亥科鄉試取中四名

道光二十年庚子科會試取中二名

道光二十年庚子

恩科鄉試取中四名。

道光二十一年辛丑

金匱要略卷一  
恩科會試取中二名。

道光二十三年癸卯科鄉試取中五名。

道光二十四年甲辰科會試取中二名。

道光二十四年甲辰

恩科鄉試取中五名。

道光二十五年乙巳

恩科會試取中二名。

道光二十六年丙午科鄉試取中四名。

道光二十七年丁未科會試取中二名。

道光二十九年己酉科鄉試取中五名

道光三十年庚戌科會試取中二名

咸豐元年辛亥

恩科鄉試取中五名

附載舊例

康熙三十六年奉

上諭諭宗人府禮部國家樂育人才振興文教將使海內英雋之士靡不蒸蒸蔚起矧宗室子弟系托天潢豈無卓越之姿足稱令器尤宜甄陶獎掖俾克有成考諸前史以公族應制舉入仕者代不乏人今屬籍所載日益繁衍除已受爵秩人員外間散子姓素無職業誠恐進取之途未闢致嚮學之意漸墮嗣後八旗宗室子弟有能力學屬文奮志科目應令與滿洲



諸生一體應試。編號取中。如此則賦質英異者咸服習於詩書。而學業成就者。不沮抑於仕進。凡屬宗支。人人得以自效。而於朕興賢睦族之至意。亦用是以愜焉。爾等衙門。卽遵諭行。欽此。

康熙三十九年。宗室子弟科舉會試。奉

旨停止。乾隆乙丑戊辰等科。恩准一體會試。旋即停止。

嘉慶五年。大學士王杰等。議駁戶科給事中慶岱奏請。二場分經輪試。俟輪試既遍。再用五經等語。查五經並試之功令。行之已久。宗室等有志上進。自當全行誦習。一體應試。且宗室雖經奏准另立坐號。而頒示試題。通場自應畫一。若二場另出題目。殊與體制不符。所奏應毋庸議。等因具奏。奉

旨。大學士會同禮部。議覆給事中慶岱奏。暫停宗室本年鄉試一摺。上年推恩宗室。准令應試。原定以辛酉年正科爲始。續經降旨。於本年舉行恩科。試期較近。入旗宗室向來習誦經書者。於制藝素未講求。若本

年卽令應試。誠恐一時舉業不能嫻習。轉非核實取才之意。著仍於辛酉正科鄉試爲始。一體與試。此次恩科鄉會試俱著毋庸考試。至五經並試。功令行之已久。且距辛酉試期尙有年餘。宗室等有志向上。原應全行誦習。不必輕議更張。以符體制。而昭畫一。摺併發。欽此。

又議准查順天鄉試。禮部會試。

欽派考官

監臨知貢舉內外監試及各執事人員人役

等鄉試向例於八月初六日入闈。會試於三月初六日入闈。今擬令於八月初六日及三月初三日入闈。所有宗室鄉試於八月初四日五鼓點名入場。會試於三月初四日五鼓點名入場。並請於宗人府內先期

簡派一員

彈壓巡查懷挾亂號等事。如有前項情弊。交

與宗人府自行辦理。其營弁號軍等卽交與監臨知貢舉酌量應用若干人。於初三日先行點進。所有士子入場應用之營弁號軍火夫等照例於初六日點進。至彈壓士子之副都統等官

仍於初六日入闈。

又議准宗室考試。擬以制藝一篇。五言八韻排律詩一首。由順天府禮部先期奏請。

欽命題日。於點名日。令宗人府府丞赴

乾清門恭請

欽命題目。捧到貢院。交監臨知貢舉送入內簾。啟封刊板刷印。俟入場點名完畢。封龍門後。由內簾交出。按號散給。即於初五日交卷出場。

嘉慶七年奉

上諭。宗室會試。前經宗人府等衙門會議。於三月初四

日點名。考試官於初三日預行入闈。較常例早至三日。第念宗室應試人數本少。若先期另為一場。一切

稽察支應較多。一番經理。不若仍照鄉會試舊制。於

初八日入場。點名在八旗及各省士子之前。並另編

坐號。不致擁擠。頒發欽命試題。先行揭曉。已足優示

體制。而省紛繁。考試官仍照定例。於初六日入闈。所

有本年宗室會試。即照此辦理。嗣後宗室鄉會試日

期。均著為令。欽此。

諭旨。於三月初八日入場。點名在八旗及各省士子前。

另編坐號頒發

欽命試題。先行揭曉。臣部業已知會至公堂。欽遵辦理。其中尚有應行請

旨之處。謹開列奏

聞。一宗室會試。原奏內有左右宗人一員。入闈彈壓。查

闈內原有彈壓副都統二員。於初六日始行入場。從前原議。宗人入場在初三日。可以借住其

旨交順

入場。則闈內無住宿飲食之所。難以辦公。應請天府尹。即於場中公用房屋。酌量勻出兩三間。以便宗人在內住宿。彈壓。庶場規可一律整肅。

一宗室會試

欽命題目。原議由順天府府丞祇領。捧至貢院。交知貢

舉送入內簾。今准宗人府咨稱。府丞徐績奉

旨。派往經理黃村飯廠。不克領題。所有此次宗室會試。欽命四書題一道。詩題一道。併八旗直省士子會試。

欽

命四書題三道詩題一道均請由臣部堂官一併祇

領一宗室會試一文一詩初九日自可尅期交卷但向例是日因多士扃試緊要之際不准傍暮開門致滋弊端應請於初十日早牌時先於宗室出場以後再陸續啟放士子於關防庶爲嚴密等因奉

旨

向來鄉會試時原派有副都統二員入闈足資彈壓現在宗室應試既改令與士子同日進場所有原議另請奏派宗人彈壓之處著行停止餘俱照所議行欽此

### 附載駁案

嘉慶十五年准宗人府咨稱宗室存華等呈請應文鄉試經宗人府覈准宗室存華由繙譯進士出身補授毅正庫員外郎宗室祥廣由蔭生出身補授毅正庫員外郎宗室定存由膳錄出身補授顏料庫員外郎均經緣事革職俱應扣除不准入場鄉試

嘉慶十八年。禮部宣希濬係四品宗室。於中式舉人。後過繼與禮親王為嗣。授為三品頂戴。體制較崇。比照親王額駙。不准鄉試之例。不准會試。道光十九年。准宗人府咨稱。鑲藍旗宗室載順。係乙未科鄉試中式舉人。因覆試文理不符。斥革經

欽派王大臣。訊係點寫憲課所中。並無餘罪。今已亥科鄉試之年。請以原名再應鄉試等因。查宗室載順。前因覆試文理不符。特旨革去舉人。檢查原案。雖無餘罪。究係有關科場。礙難准其應試入考。

道光二十年。據鑲紅旗宗室廣振呈稱。於道光乙未科中式舉人。因出場後墜車跌傷右臂。隨愈。隨發。延至本年四月始痊。三科覆試限期已滿。情願將舉人註銷。以原名應庚子科鄉試等情。查道光十五年九月奉

旨。本年順天鄉試取中舉人。昨降旨著於本月二十一

日在圓明園正大光明殿覆試。其實有患病等項事  
故不能赴考。取結報部。仍著照乾隆年間舊例。以下  
三科爲限。補行覆試。如有託故不到。此三科內並未  
覆試者。顯係意存規避。著永遠不准赴會場考試。亦  
不准赴吏部截取銓選等因。欽此。今鑲紅旗宗室廣  
振呈請註銷舉人。以原名應庚子科鄉試之處。  
應不准行。